

M219: St. Veit

0,1 Cheiser aller chunige .
0,2 ia lobet diu div menege
0,3 der engel uon himele .
0,4 ouh fleget diu hie nidene .
0,5 diu irdiske diet .
0,6 diu ne lazet daz nit .
0,7 si ne bete an dine magencraft .
0,8 wan si ist din hantkeschaft .
0,9 die du gescuofe uon der erde .
0,10 nu ruche des geworden .
0,11 daz du miu erhore
0,12 ih wil eine rede erboren
0,13 diu ist also lobesam .
0,14 fon einem heiligem man .
0,15 fon dem guoten sce- vite .
0,16 er dienet dir alle zite .
0,17 in siner chintheite .
0,18 er was ie gereite .
0,19 ze dinem dienste .
0,20 nu ferlich mir der liste .
0,21 durh die sine minne .
0,22 daz ih si fuore bringe .
0,23 al nah din eren .
0,24 ze lobe dem heiligen herren .
0,25 Nu sagent uns diu buoch sus .
0,26 do der chunic diocletianus .
0,27 der cristenheite heran began .
0,28 u- sin geselle maximian .
0,29 die christen marteroten .
0,30 do arbeiten si genote .
0,31 wie si gedahten .
0,32 daz si fure brahten .
0,33 die trut unseres herren .
0,34 iedoh begunden si siu meren .
0,35 fon iare ze iare .
0,36 daz sag ih iu ze ware .
0,37 wu diu goteliche lere .
0,38 daz clagete si sere .

0,39 der gier leuiatan .
0,40 daz im so manec sele entran .
0,41 uz siner chiwen .
0,42 daz begund in harte riwen .
0,43 die chunege er scunden began .
0,44 daz si wip ioh man .
0,45 neheinen wis fristen .
0,46 die der waren christen .
0,47 si n ilten si fure bringen .
0,48 mit etlichen dingen .
0,49 Do div ahte so geboten was .
0,50 ein heiden hiez hylas .
0,51 der saz in einem lande .
0,52 gotes e . niht erchande .
0,53 daz lant heizzet licia .
0,54 ein kint gewan er da .
0,55 einen sun der was im trute .
0,56 er gebot allen sinen livten .
0,57 daz si in zvgen zarte .
0,58 mit flize bewarten .
0,59 mit aller slahte minnen .
0,60 iedoh ne was dem chinde .
0,61 umbe trutschafft niht .
0,62 im wart div cristenheit so lieb .
0,63 ih weiz er des gesan .
0,64 daz er die toufe an sich an genam .
0,65 vitus wart er genennet .